

BENEDICTIO UVARUM ET FICORUM.

(Ex Rituali Vicensi ord. ab Illmo. Episcopo D. de Tocco).

- ¶. Adjutorium nostrum in nomine Domini.
R. Qui fecit cœlum et terram.
¶. Domine, exaudi orationem meam.
R. Et clamor meus ad te veniat.
¶. Dominus vobiscum.
R. Et cum spiritu tuo.

OREMUS.

Bene~~X~~dic, Domine, hos fructus novos uvæ, vel ficorum, quos tu, Domine, per rorem cœli et inundatiam pluviarum, ac tempora tranquilla, serenaque ad maturitatem perducere dignatus es, ad percipendum nobis cum gratiarum actione. Per Dominum nostrum, etc.

Aspergantur aqua benedicta.

BENEDICTIO NOVORUM FRUCTUUM.

(Ex Miss. et Rit. Rom. Vicen. et alis, et Col. P. Sannig.).

- ¶. Adjutorium nostrum in nomine Domini.
R. Qui fecit cœlum et terram.
¶. Domine, exaudi orationem meam.
R. Et clamor meus ad te veniat.
¶. Dominus vobiscum. R. Et cum spiritu tuo.

OREMUS.

Bene~~X~~dic, Domine, hos novos fructus N., et præsla : ut qui ex eis in tuo sancto nomine vescentur, cor-

poris et animæ salute potiantur. Per Christum Domi-
num, nostrum. R. Amen.

Aspergantur aqua benedicta.

BENEDICTIO PANIS IN DIEBUS DOMINICIS POST OFFERTORIUM
MISSÆ FACIENDA.

(Ex Miss. et Rit. Rom. Vicen. et Tarr. et Col. P. Sannig.).

- ¶. Adjutorium nostrum in nomine Domini.
R. Qui fecit cœlum et terram.
¶. Domine, exaudi orationem meam.
R. Et clamor meus ad te veniat.
¶. Dominus vobiscum. R. Et cum spiritu tuo.

OREMUS.

Domine Jesu-Christe, panis Angelorum, panis vi-
vus æternæ vitæ, bene~~X~~dicere dignare panem istum,
sicut benedixisti quinque panes in deserto : ut omnes
ex eo gustantes, inde corporis et animæ percipient sa-
nitatem. Qui vivis et regnas in sæcula sæculorum.
R. Amen.

Aspergat aqua benedicta.

ALIA BENEDICTIO PANIS.

(Ex Miss. et Rit. Rom. et Col. P. Sannig.).

- ¶. Adjutorium nostrum in nomine Domini.
R. Qui fecit cœlum et terram.
¶. Domine, exaudi orationem meam.
R. Et clamor meus ad te veniat.
¶. Dominus vobiscum.
R. Et cum spiritu tuo.

OREMUS.

Domine sancte, Pater omnipotens, aeternus Deus, bene ✠ dicere digneris hunc panem tua sancta spirituali benedictione: ut sit omnibus sumentibus salus mentis et corporis atque contra omnes morbos, et universas inimicorum insidias tutamen. Per Dominum nostrum Iesum—Christum Filium tuum, panem vivum, qui de cœlo descendit, et dat vitam et salutem mundo: et tecum vivit et regnat in unitate Spiritus Sancti Deus per omnia saecula saeculorum. R. Amen.

Aspergatur aqua benedicta.

ALIA BENEDICTIO PANIS OMNIBUS DIEBUS DOMINICIS FACIENDA, QUI VULGO DICITUR PANIS BENEDICTUS.

(Ex Rituali Barcinonensi).

- ¶. Adjutorium nostrum in nomine Domini.
- R. Qui fecit cœlum et terram.
- ¶. Domine, exaudi orationem meam.
- R. Et clamor meus ad te veniat.
- ¶. Dominus vobiscum.
- ¶. Et cum spiritu tuo.

OREMUS.

Bene ✠ dic, Domine, creaturam istam panis, sicut benedixisti quinque panes in deserto: ut omnes gustantes ex eo accipient tam corporis, quam animæ sanitatem. Per Christum Dominum nostrum. R. Amen.

In nomine Pa†ris, et Filii, et Spiritus Sancti:
R. Amen.

Et aspergat super panem aquam benedictam, et deinde frangat panem, dicens:
In fractione panis cognoverunt Discipuli Dominum.

BENEDICTIO PANIS IN ELEEMOSYNAS DISTRIBUENDI.

(Ex Rit. Vicen. Urg. et Gerun.).

Hæc benedictio spectat ad Parochum, et fieri potest à Sacerdote de illius licentia.

In hac benedictione panis Parochus aut Sacerdos de illius licentia induetur amictu, alba et stola, et pluviali violacei coloris, et cum Diacono, et Subdiacono (si comode fieri potest) ibit ad locum, ubi panis benedicendus erit præparatus, et canet (si solus sit, recitat) sequentia.

- ¶. Adjutorium nostrum in nomine Domini.
- R. Qui fecit cœlum et terram.
- ¶. Domine, exaudi orationem meam.
- R. Et clamor meus ad te veniat.
- ¶. Dominus vobiscum. R. Et cum spiritu tuo.

OREMUS.

Domine Jesu—Christe, panis Angelorum, panis vivus aeternæ vitæ, bene ✠ dicere dignare panem istum, sicut benedixisti quinque panes in deserto: ut omnes ex eo gustantes, inde corporis, et animæ percipient sanitatem. Qui vivis et regnas in saecula saeculorum.
R. Amen.

Postea Diaconus genuflectet, et dicet: Munda cor

meum, etc., et petet benedictionem à Sacerdote, qua accepta, canet sequens Evangelium; quod, si Sacerdos solus sit, cæteris præmissis ipse cantabit.

- ¶. Dominus vobiscum. ¶. Et cum spiritu tuo.
- ¶. Sequentia sancti Evangelii secundum Joannem.
- ¶. Gloria tibi Domine.

In illo tempore : Cum sublevasset oculos Jesus, et vidisset, quia multitudo maxima venit ad eum, dixit ad Philippum : unde ememus panes, ut manducent hi? Hoc autem tentans eum : ipse enim sciebat, quid esset facturus. Respondit ei Philippus : ducentorum denariorum panes non sufficient eis, ut unusquisque modicum quid accipiat. Dixit ei unus de discipulis ejus, Andreas frater Simonis Petri : est puer unus hic, qui habet quinque panes hordeaceos, et duos pisces : sed hæc quid sunt inter tantos? Dixit ergo Jesus : facite homines discubere. Erat autem fœnum multum in loco. Discubuerunt ergo viri quasi in numero quinque millia. Accepit Jesus panes, et cum gratias egisset, distribuit discubentibus : similiter, et ex piscibus, quantum volebant. Ut autem impleti sunt, dixit discipulis suis : colligite quæ superaverunt fragmenta, ne pereant. Collegerunt ergo, et impleverunt duodecim copinos fragmentorum, ex quinque panibus hordeaceis, quæ superfuerunt his, qui manducaverant : illi autem homines cum vidissent, quod Jesus fecerat signum, dicebant : quia hic est vere Propheta, qui venturus est in mundum.

¶. Laus tibi Christe.

- Finito Evangelio, Sacerdos dicet sequentia :*
- ¶. Dispersit, et dedit pauperibus.
 - ¶. Justitia ejus manet in sæculum sæculi.
 - ¶. Beatus, qui intelligit super egenum et pauperem.
 - ¶. In die mala liberabit eum Dominus.
 - ¶. Domine, exaudi orationem meam.
 - ¶. Et clamor meus ad te veniat.
 - ¶. Dominus vobiscum. ¶. Et cum spiritu tuo.

OREMUS.

Domine sancte, Pater omnipotens, æterne Deus, bene ✕ dicere digneris hunc panem, tua sancta spirituali bene ✕ dictione : ut sit omnibus sumentibus salus mentis, et corporis, atque contra omnes morbos, et universas inimicorum insidias tutamen. Per Dominum nostrum Jesum-Christum Filium tuum, panem vivum, qui de cœlo descendit, et dat vitam, et salutem mundo : et tecum vivit, et regnat in unitate Spiritus Sancti Deus, per omnia sæcula sæculorum.
¶. Amen.

Et benedictio omnipotentis Dei Pa ✕ tris et Filii, et Spiritus Sancti descendat et maneat super nos, et super hanc creaturam panis. ¶. Amen.

Et asperget aqua benedicta.

BENEDICTIO PANIS, ET ALIORUM FRUCTUUM IN DIE S. BLASII MART. ET PONTIF. DIE 3 FEBR.

(Ex Rit. Vicen. Tarr. B. Urg. Ger. et Col. P. Sannig.).

- ¶. Adjutorium nostrum in nomine Domini.
- ¶. Qui fecit cœlum et terram.

- ¶. Sit nomen Domini benedictum.
 R. Ex hoc nunc et usque in sæculum.
 ¶. Ora pro nobis Beate Blasi.
 R. Ut digni efficiamur promissionibus Christi.
 ¶. Domine, exaudi orationem meam.
 R. Et clamor meus ad te veniat.
 ¶. Dominus vobiscum. R. Et cum spiritu tuo.

OREMUS.

Salvator mundi Deus, qui hodiernam diem beatissimi Blasii martyrio consecrasti; et diversas creaturas ad salutem hominum creasti, qui ex quinque panibus satiasti, ac populum Judaicum in deserto miraculose pavisti, ineffabilem misericordiam tuam suppliciter exoramus, et petimus, ut hos panes, vinum, aquam, et fructus, quos plebs fidelis tibi devote hodie ad sanctificandum attulit, tua pietate bene ☩ dicere, et sanctificare digneris: ut qui ex eis comedenterint, vel gustaverint ab omni gutturis plaga, et totius corporis infirmitate, meritis, et intercessione ejusdem beati Blasii Martyris tui, atque Pontificis plenam recipient sanitatem: et nos famulos tuos ab omni animæ et corporis ægritudine sanos conservet. Qui vivis et regnas Deus, per omnia sæcula sæculorum. R. Amen.

Benedictio Dei omnipotentis Pātris, et Filii, et Spiritus Sancti descendat, et maneat semper super hos panes, vinum, aquam, fructus, et super omnes ex eis gustantes. R. Amen.

Aspergat aqua benedicta.

BENEDICTIO PANIS, ET ALIARUM RERUM CONTRA GUTTURIS INFIRMITATEM IN DIE S. LUPI POST MISSAM FACIENDA,
 DIE 1 SEPTEMB.

(Ex Rit. Vicen. Tarr. et Gerund.).

- ¶. Adjutorium nostrum in nomine Domini.
 R. Qui fecit cœlum et terram.
 ¶. Domine, exaudi orationem meam.
 R. Et clamor meus ad te veniat.
 ¶. Dominus vobiscum. R. Et cum spiritu tuo.

OREMUS.

Bene ☩ dic, Domine, hanc creaturam panis, atque omnium istorum fructuum, sicut benedixisti quinque panes in deserto: ut omnes ex his gustantes tam animæ quam corporis recipient sanitatem. Per Christum Dominum nostrum. R. Amen.

OREMUS.

Domine Sanete, Pater omnipotens, æterne Deus, bene ☩ dicere, et sancti ☩ dicere tua pietate digneris hos panes, vinum, fructus arborum, et alia, quæ indigni detulimus, et per intercessionem gloriosissimæ Virginis Mariæ, et beati Lupi Confessoris tui atque Pontificis, bene ☩ dicere, et ad profectum presentis familiae tuæ, atque omnium fidelium præsentium, et absentium provenire concede, ut in quocumque loco deprecati fuerint, salvi, et maxime à dolore gutturis efficiantur, et omnes iniquitates, sive illusiones ab eorum habitaculis abscedant, et quicunque ex eis tenuerint, et

gustaverint, tua gratia et bene **¶** dictione repleantur.
Per Christum Dominum nostrum. **R.** Amen.

Et benedictio Dei omnipotentis Pa**¶**tris, et Filii, et
Spiritus Sancti descendat, et maneat super hos panes,
vinum, et fructus, et super omnes ex eis gustantes.
R. Amen.

Aspergat aqua benedicta.

BENEDICTIO PANIS ET AQUÆ IN FESTO S. AGATHÆ CONTRA
PERICULUM IGNIS.

(Ex Rit. Vicen. Tarr. B. Ur. Ger. et Col. P. Sannig.).

- V.** Adjutorium nostrum in nomine Domini.
- R.** Qui fecit cœlum et terram.
- V.** Domine, exaudi orationem meam.
- R.** Et clamor meus ad te veniat.
- V.** Dominus vobiscum. **R.** Et cum spiritu tuo.

OREMUS.

Domine Jesu-Christe, Fili Dei vivi, qui es fons vi-
vus, et salus æterna credentium, qui de cœlo descen-
disti; bene **¶** dic, et sancti **¶** fica hos panes et aquam
in honorem beati Agathæ Virginis et Martyris depor-
tata, et concede per intercessionem ejus: ut ubicum-
que contra ignem comburentem, missa, aspersa, vel
posita fuerint, illico ignis evanescat, et penitus extin-
guatur. **Qui** vivis et regnas Deus, etc.

Et benedictio Dei omnipotentis Pa**¶**tris, et Filii, et
Spiritus Sancti descendat super nos, et super has crea-
turas panis et aquæ, et maneat semper. **R.** Amen.

Aspergat aqua benedicta.

TITULUS V.

DE VARIIS BENEDICTIONIBUS COMMUNIBUS.

Hæc pariter fieri possunt à quolibet simplici Sacerdote.

BENEDICTIO GENERALIS AD QUÆCUMQUE VOLUERIS.

(Ex Rit. Barcin. et Col. P. Sannig.).

- V.** Adjutorium nostrum in nomine Domini.
- R.** Qui fecit cœlum et terram.
- V.** Domine, exaudi orationem meam.
- R.** Et clamor meus ad te veniat.
- V.** Dominus vobiscum. **R.** Et cum spiritu tuo.

OREMUS.

Bene **¶** dic, Domine, creaturam istam N., ut sit
remedium salutare generis humani, et praesta per in-
volutionem sanctissimi Nominis tui, ut quicumque ex
ea vel eo sumpserint, vel usi fuerint, salutem animæ, et
corporis suscipiant sanitatem. Per Christum Dominum
nostrum. **R.** Amen.

Aspergatur aqua benedicta.

BENEDICTIO COMMUNIS SUPER FRUGES ET VINEAS.

(Ex Rit. Rom. Vicen. Tarr. et aliis et Col. P. Sannig.).

- V.** Adjutorium nostrum in nomine Domini.
- R.** Qui fecit cœlum et terram.